



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

ABT

56

Predrag Kojić
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
KANTON SARAJEVO

DOKUMENT: 21-12-2016		Dvoj. priloga	
Broj akta	Klasifikaciona oznaka	Broj predloga	
101			

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Vlada Kantona Sarajevo
Ministarstvo Pravde i uprave Kantona Sarajevo

Skupština Kantona Sarajevo
n/r Ana Babić, predsjedavajuća

Sarajevo, 21.12.2016.

PREDMET: AMANDMANI NA ZAKON O INSPEKCIJAMA KANTONA SARAJEVO

Poštovani/a,

Pozivajući se na članove 151. i 152. Poslovnika Skupštine Kantona Sarajevo („Službene novine Kantona Sarajevo“ broj 41/12, 15/13, 47/13, 47/15 i 48/16) dostavljam amandmane na Zakon o inspekcijama Kantona Sarajevo:

AMANDMAN I

U članu 12. iza alineje a) dodaje se nova alineja b) koja glasi:

«b) zaprima prijave, pritužbe i pisane zahtjeve od pravnih i fizičkih lica, te ih dalje prosljeđuje nadležnoj inspekciji na postupanje; »

Dosadašnje alineje b), c), d), e), f), g), h), i), j) k) i l) postaju alineje c), d), e), f), g), h), i), j), k) l) i m)

Obrazloženje:

U predloženoj izmjeni radi se aktivnostima koje Kantonalna uprava za inspekcijske poslove svakako obavlja, stoga bi iste trebale biti i precizno definisane kantonalnim Zakonom o inspekcijama, na način da se garantuje pravnim i fizičkim licima – podnositeljima prijava, pritužbi i pismenih zahtjeva da će njihovi zahtjevi biti proslijeđeni kantonalnoj inspekciji nadležnoj za oblasti na koju se prijava, pritužba ili zahtjev odnosi.

AMANDMAN II

U članu 22. stavu (1) alineji b) poslije riječi »pregleda« dodaju se riječi «fotografiše i snima osobe, ».

Obrazloženje:

Uvođenjem mogućnosti fotografisanja i snimanja osoba, poslovnih i drugih prostorija, objekata i opreme, postrojenja, uređaja, instalacija, procesa rada i proizvodnje se postiže najprije transparentnost u vršenju nadzora i naknadnoj mogućnosti dokazivanja prekršaja subjekta nadzora, te u poduzimanju radnji prema subjektu nadzora i drugim strankama koje ovlašteno učestvuju u nadzoru. Također, postiže se i vremenska efikasnost u smislu da se za određene poduzete radnje nadzora ili utvrđivanja može brže i jasnije donijeti odluka na osnovu fotografija i/ili snimaka. Ovakva se praksa koristi u mnogim zemljama Evropske unije, uključujući Hrvatsku.

AMANDMAN III

U članu 25. stavu (2) se iza riječi «koje se tiču inspekcijskog nadzora» briše se tačka i dodaju riječi «što uključuje i dokumentaciju, dokaze i podatke utvrđene ili nastale u inspekcijskom nadzoru».

Obrazloženje:

Smatramo da predloženi tekst člana 25. stava (2) nije dovoljno precizan u vezi s tim šta je sve pod zaštitom službene i druge tajne. Ovim izmjenama će biti lakše izvršiti primjenu člana kao i namjeru predlagača u ovom članu.

AMANDMAN IV

U članu 30. stavu (1) iza riječi «nadležnoj inspekciji» dodaju se riječi «ili Kantonalnoj upravi za inspekcijske poslove».

U istom članu, iza stava (1) dodaje se novi stav (2) koji glasi:

«(2) Kantonalna uprava za inspekcijske poslove dužna je, po prijemu pisanog zahtjeva, u roku od 48 sati isti proslijediti nadležnoj inspekciji. »

Dosadašnji stav (2) tako postaje stav (3).

U istom članu iza stava (3) dodaju se novi stavovi (4), (5) i (6) koji glase:

«(4) U slučaju da inspekcija primi pisani zahtjev koji se odnosi na oblast za koju nije nadležna, isti je dužna u roku od 48 sati od trenutka njegovog prijema proslijediti nadležnoj inspekciji.

(5) Inspektor, koji učestvuje u inspeksijskom nadzoru iz stava (1) ovog člana dužan je da čuva identitet pravnih i fizičkih lica iz stava (1) ovog člana kao službenu tajnu iz člana 25. ovog Zakona.

(6) Izuzetno od stava (5) ovog člana, inspektor nije dužan čuvati kao službenu tajnu identitet pravnih i fizičkih lica koji sudjeluju u nadzoru kao zainteresirana strana radi zaštite svojih prava i pravnih interesa, ako to po prirodi stvari nije moguće ili je tako propisano zakonom.»

Dosadašnji stav (3) postaje stav (7).

Obrazloženje:

U praksi se često dešava da pismeni zahtjev, obično onaj koji je podnesen od strane fizičkog lica, pristigne na pogrešnu adresu te smatramo da Kantonalna uprava za inspeksijske poslove i druge inspeksijske službe (općinske i gradske) moraju osigurati mehanizam putem kojeg bi zahtjevi bili upućeni nadležnim inspekcijama, te na taj način spriječiti odlaganje obavljanja inspeksijskog nadzora. U slučaju da neko dostavi pisani zahtjev na adresu Kantonalne uprave za inspeksijske poslove, ona bi morala biti dužna da dostavi isti nadležnoj inspekciji na razmatranje i eventualno izvršenje inspeksijskog nadzora. Isti slučaj bi trebao biti i sa zahtjevom pristiglim na adresu inspekcije koja nije nadležna za oblast na koju se zahtjev odnosi.

Zaštita identiteta pravnih i fizičkih osoba iz stava (5) je neophodna kako bi se postigao veći broj prijava subjekata, iniciralo prijavljivanje neregularnosti inspeksijskim organima, odnosno da bi se osigurao zdraviji poslovni ambijent, a samim ovakvim propisom se postižu ciljevi preventivnog djelovanja. Stav (6) određuje kada se zaštita iz stava (5) može izuzeti kako bi se osigurala praktičnost u primjeni. Iako u članu 25. Zakona postoji obaveza koja se odnosi na čuvanje tajnosti prijave, smatramo da je neophodno precizno definisati da ova vrsta zaštite važi i za lica koja podnose zahtjev za obavljanje inspeksijskog nadzora. Također, bitno je napomenuti da je ovo praksa u susjednim zemljama, kao i u zemljama Evropske unije.

AMANDMAN V

Iza člana 105. dodaje se novi član 105a. (Saradnja sa općinskim i gradskim inspekcijama) koji glasi:


«(1) Kantonalna uprava za inspeksijske poslove i inspekcije koje su u njenom sastavu dužne su saradivati sa općinskim i gradskim inspekcijama u pitanjima od značaja za efikasno vršenje nadzora nad primjenom federalnih i kantonalnih propisa kojima je prenesena nadležnost na općinu i grad.

(2) U slučaju zaprimanja pisanog zahtjeva, prijave ili pritužbe koja se tiče oblasti za koju nije nadležna, Kantonalna uprava za inspekcijske poslove istu prosljeđuje nadležnoj općinskoj ili gradskoj inspekciji.

(3) Odredbe stava (2) ovog člana ne odnose se na anonimne zahtjeve i predstavke, izuzev ukoliko takva predstavka sadrži dokaze koji upućuju na grubu povredu zakona, u kom slučaju glavni inspektor i inspektor cijene osnovanost predstavke i preduzimaju zakonom utvrđene aktivnosti u cilju utvrđivanja stvarnog stanja. »

Obrazloženje:

Uvođenjem novog člana 105a. dodatno se definišu oblici saradnje Kantonalne uprave i inspekcija u njenom sastavu i općinskih i gradskih inspekcija prvenstveno sa ciljem što efikasnijeg nadzora nad primjenom federalnih i kantonalnih propisa. Jasno je da kantonalne inspekcije već ostvaruju određenu saradnju sa općinskim i gradskim, ali ovaj član bi tu saradnju zakonski precizirao te uklonio moguće nedoumice i zloupotrebe.



Predrag Kojović

Skupština Kantona Sarajevo

Naša stranka